

**NOVOS CINEMAS. Festival Internacional de Cinema de Pontevedra BASES DE PARTICIPACIÓN. EDICIÓN 08. 12 – 17 DICIEMBRE 2023**

NOVOS CINEMAS. FESTIVAL INTERNACIONAL DE CINEMA DE PONTEVEDRA celebrárase na cidade de Pontevedra, Galicia (España), do 12 ao 17 de decembro do 2023, e ten como principal obxectivo detectar e difundir o talento cinematográfico de cineastas emerxentes, poñendo especial énfase no cinema de carácter autoral.

**ADMISIÓN DOS FILMES A CONCURSO**

O festival terá dúas seccións competitivas, ambas de ámbito internacional: **Sección Oficial** e **Latexos**, destinada a dar visibilidade a producións de factura máis fráxil e íntima.

Sen distinción xenérica algunha (ficción, non ficción, animación, experimental, etc.), poderán inscribirse todas aquelas **longametraxes** (≥ 60 minutos) que supoñan **a primeira ou segunda obra dos seus realizadores ou realizadoras**.

**Novos Cinemas** priorizará aquelas longametraxes cuxa exhibición comporte a súa estrea en España ou a súa estrea en Galicia.

Serán admitidos **traballos producidos, ou cuxa estrea mundial tivese lugar, despois do 1 de xaneiro de 2023**, sempre que non fosen estreados comercialmente en España, nin exhibidos en circuítos de televisión públicos ou privados no momento da inscrición do filme a concurso\*.

Se as condicións socio- sanitarias fosen adversas, a exhibición presentará un formato híbrido. A modalidade presencial terá lugar nas sedes do festival. A modalidade virtual implementárase mediante unha plataforma de cinema online.

O período de admisión de filmes estenderase do **10 de maio ao 10 de setembro de 2023**.

**INSCRICIÓN**

- As películas inscritas poderán ser incluídas en calquera das seccións deseñadas polo festival.
- A inscrición é gratuita e realízase unicamente mediante o cumprimento da [Ficha de Inscrición Online](#) no que se proporcionará un enlace privado do filme co seu correspondente contrasinal de visionado.
- Para o seu visionado, os filmes deberán estar **subtitulados en español ou inglés**, sempre que o seu idioma orixinal non sexa galego, español ou inglés.
- A organización do festival informará, vía e-mail, ás persoas que inscribiron os filmes, que as obras foron seleccionadas.

*\*Se o deseño da programación o precisase, Novos Cinemas resérvase o dereito de establecer excepcións a estas normas.*

**NOVOS CINEMAS. Festival Internacional de Cinema de Pontevedra BASES  
DE PARTICIPACIÓN. EDICIÓN 08. 12 – 17 DICIEMBRE 2023**

**XURADOS e PREMIOS**

O festival NOVOS CINEMAS concederá cinco premios:

1. Un Xurado Internacional outorgará o **Premio NOVOS CINEMAS** á mellor longametraxe da Sección Oficial, cunha dotación económica de 2.000€.. Este importe repartirase entre o/a produtor/ra e o/a realizador/ra do filme.
2. Un xurado composto por cinco estudantes do campus de Pontevedra (Uvigo), seleccionados pola organización do festival, outorgará o **Premio XURADO NOVO** á mellor dirección da Sección Oficial.
3. Un xurado composto por profesionais da crítica cinematográfica outorgará o **Premio da CRÍTICA** á mellor longametraxe da competición.
4. O **Premio LATEXOS**, concebido gracias á colaboración da Cooperativa NUMAX, DUPLEX Cinema, da Cooperativa Zumzeig, do Círculo de Bellas Artes e de CineCiutat, supón a exhibición comercial do película premiada en devandita sección na sala NUMAX (Santiago de Compostela), en DUPLEX Cinema (Ferrol), no Círculo de Bellas Artes (Madrid), na sala Zumzeig (Barcelona) e en CineCiutat (Palma de Mallorca), ademais dunha dotación económica de 500€ para o/a director/a da película premiada. O obxectivo de esta axuda é que o/a cineasta poida sufragar os gastos de desprazamento inherentes á presentación do seu filme nas devanditas salas
5. Finalmente, mediante a participación e o concurso dos espectadores e espectadoras (media ponderada de votacións e asistentes), outorgarase o **Premio do PÚBLICO**.

A decisión dos xurados será inapelable.

**ENVÍO DOS FILMES PARA A SÚA EXHIBICIÓN**

No caso de que as obras fosen seleccionados para participar no festival, quen inscriba o filme deberá ter en conta que:

1. Os gastos de envío e devolución das copias das longametraxes serán compartidos entre o festival e os representantes do filme seleccionado. Preferentemente, NOVOS CINEMAS farase cargo dos gastos de envío da copia á sede do festival; a devolución ou retorno dos filmes ao seu lugar de orixe ou a calquera outro lugar correrá a cargo dos/as seus/súas titulares e/ou representantes.
2. NOVOS CINEMAS aceptará os seguintes formatos de exhibición: dcp ou arquivo dixital (ProRes, MP4, MOV, 1080p). Se así o considerase, a organización do festival aceptará formatos analóxicos (35mm., 16mm.), domésticos (Blu-ray) ou aqueles que considere pertinentes.
3. Se a lingua orixinal do filme non é o inglés, este deberá conter subtítulos nesta lingua.

**NOVOS CINEMAS. Festival Internacional de Cinema de Pontevedra BASES DE PARTICIPACIÓN. EDICIÓN 08. 12 – 17 DICIEMBRE 2023**

4. Co obxectivo de levar a cabo un óptimo proceso de promoción, NOVOS CINEMAS solicitará o envío do material necesario para a elaboración do catálogo do festival, así como diferentes labores de promoción das actividades (prensa escrita, web, redes sociais, etc.). Ao formalizar a inscrición, quen inscribe ou represente legalmente ao filme comprométese á cesión dos dereitos de exhibición destes materiais promocionais a todos aqueles medios de comunicación audiovisual que o equipo de NOVOS CINEMAS considere.

5. As copias para exhibición e toda aquela documentación de difusión que os representantes consideren relevantes, deberán ser remitidos antes do día 5 de novembro de 2023.

6. No caso das películas galardoadas, NOVOS CINEMAS resérvase o dereito de realizar novas exhibicións de devanditos filmes (ata un máximo de 2) con fins promocionais e sempre previa notificación aos/ás representantes legais das longametraxes.

### **ACEPTACIÓN DAS BASES E CESIÓN DE DEREITOS**

A inscrición no festival implica a aceptación e cumprimento destes requisitos e comporta que quen incribe e/ou representa legalmente ao filme autoriza a NOVOS CINEMAS a exhibilo públicamente.

Unha vez aceptada a invitación a participar no festival, o filme non poderá ser retirado da competición.

A organización de NOVOS CINEMAS resérvase o dereito de facer excepcións puntuais a estas bases por causa de forza maior.

Para calquera outra información: [info@novoscinemas.com](mailto:info@novoscinemas.com)

*Se a situación sanitaria o esixise, o equipo do festival implementará todas aquelas accións que garantan as medidas promovidas polas autoridades sanitarias e as diferentes administracións, aínda que supuxese alterar o deseño e desenvolvemento do festival.*